

- M O U N I S I -

Mwen kontan lè man pé wouvè zyé anba siel-tala, santi tout lòdè sé mon-la.
Mwen éré chak fwa man pé maché anmitan moun-mwen.
Asiré man kay-mwen. Ka di sé an chans pou mwen, sé la rasin-mwen.
Sé la man twouvé sans lekzistans-mwen. Man sé moun isi...

Si ou kouté manmay-la ki né lot bò, ni an lo ki pa twò sav sa yo yé.
Es yo jan-lafrans oben moun-lézil ? Yo ka wè yo diféran.
Alò si ou sav sa ki taú, ou konnet kilti-u.
Man ka di'w aprédié ou bienéré... Man sé moun isi...

Ba mwen an bon zouk, pa oubliyé bidjin-la osi
Ba mwen an mazouk é fok ou sonjé bèlè osi

Refrain :

Sé pou sa mwen enmen péyi-nou an dann
Pou sa mwen jalou moun-nou an osi dann
Sé pou sa mwen enmen kilti-nou an dann
Mouvan-léjenn é tradision-nou

An bel vals kréyol, kadans ou konpa-péyi osi
É si ni kadriy, ni dance-hall an péyi-ya osi

Refrain

Abodi, abofè (Andidan nou)
Sé la ou ka wè klè (Sa Andidan nou)
Ou ni sa an fon tchè (Andidan nou)
Menm lot koté latè (Sa Andidan nou)
Sa ki pli tris, zanmi, lè ou pa sav sa ou yé
Si ou pisimé di ou « citoyen du monde », alòs ou pa moun pies koté...

An manjé-péyi pou alé wè kous yòl-la osi
An ji kann-péyi, dan kantik ou dan vidé osi

Refrain